



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Informacija o rezultatima ankete o inflacijskim očekivanjima iz decembra 2025. godine



Očekivana inflacija predstavlja percepciju ekonomskih subjekata o budućem kretanju cijena i ima važnu ulogu u oblikovanju njihovih odluka o potrošnji, štednji i investicijama. Kao takva, ista je jedan od ključnih pokazatelja koji pomaže u razmišljanju ekonomskih tokova i provođenju odgovarajuće ekonomske politike. Centralna banka Bosne i Hercegovine (CBBiH) nastavlja s kvartalnim provođenjem Ankete o inflatornim očekivanjima. Anketa je fokusirana na finansijski sektor, a redovno učešće komercijalnih banaka i osiguravajućih društava omogućava obezbjeđivanje relevantnih informacija koje doprinose boljem razumijevanju očekivanih budućih kretanja cijena među različitim učesnicima ekonomskog sistema.

Decembarski krug ispitivanja pokazuje blage korekcije očekivane inflacije naviše za 2026. godinu. Rezultati ankete pokazuju da očekivana inflacija za 2026. iznosi 3,20%, što predstavlja rast od 0,10 procentnih poena u odnosu na septembarski krug ispitivanja. Istovremeno, očekuje se postepena stabilizacija inflacijskih kretanja u 2027. godini, s očekivanom inflacijom od 2,80%. Ovaj pad očekivanja inflacije u 2027. godini sugerise da se pritisci na cijene postepeno smanjuju i da se ekonomski okvir stabilizuje.

Za kreatore ekonomskih politika, informacije o očekivanoj inflaciji predstavljaju vrijedan signal o efektima prethodnih mjera i pravcu u kojem se ekonomija kreće. Kontinuirano provođenje istraživanja o inflacijskim očekivanjima omogućava blagovremeno uočavanje promjena u percepciji tržišta i ponašanju ekonomskih aktera. Na osnovu tih saznanja, moguće je prilagoditi fiskalne mjere na način koji doprinosi očuvanju stabilnosti cijena i održivom ekonomskom rastu. U konačnici, stabilna inflacijska očekivanja stvaraju povoljnije okruženje za razvoj privrede, jačanje životnog standarda i dugoročnu makroekonomsku stabilnost.

